



XALQ DEPUTATLARI OLOT TUMANI KENGASHINING QARORI

2022 - yil 6 - iyun

VI-60-70-2-31-K/22

Olot tuman hokimligi

“Paxtakor”, “Bayot”, “Qumkashon” mahalla fuqarolar yig‘inlari chegaralarini o‘zgartirish hamda "Paxtakor" mahallasining nomini o‘zgartirish to‘g‘risida

“Mahalliy davlat hokimiyati to‘g‘risida”gi O‘zbekiston Respublikasi Qonunining 6-moddasi hamda O‘zbekiston Respublikasi Vazirlar Mahkamasining 2014 yil 4 martdagi “Shaharlar, posyolkalar, qishloqlar va ovullarning mahallalarini tuzish, birlashtirish, bo‘lish va tugatish, shuningdek ularning chegaralarini belgilash va o‘zgartirish, ularga nom berish va ularning nomini o‘zgartirish tartibi to‘g‘risidagi Nizomni tasdiqlash haqida”gi 48-sonli qaroriga muvofiq,

Xalq deputatlari tuman Kengashi QAROR QILDI:

1. Geografik obyektlarni nomlash va qayta nomlash masalalari bo‘yicha tuman komissiyasining 2022 yil 23 apreldagi “Paxtakor mahallasining nomini o‘zgartirish to‘g‘risida”gi 9/694-sonli xati hamda “Paxtakor”, “Bayot”, “Qumkashon” mahalla fuqarolar yig‘inlarining 2022 yil 10 fevraldagi mahalla fuqarolar yig‘inlari chegaralarini o‘zgartirish to‘g‘risidagi takliflari ma’lumot uchun qabul qilinsin.

2. Geografik obyektlarni nomlash va qayta nomlash to‘g‘risidagi takliflarni davlat ekspertizasidan o‘tkazish bo‘yicha O‘zbekiston Respublikasi Davlat soliq qo‘mitasi huzuridagi Kadastr agentligi ekspert komissiyasining 2022 yil 11 apreldagi 01-14-517-sonli xulosasi inobatga olinsin.

Tumandagi “Paxtakor” mahalla fuqarolar yig‘ini nomi “Kattabayot” mahalla fuqarolar yig‘ini etib o‘zgartirilsin.

“Kattabayot” mahalla fuqarolar yig‘ini raisiga mahalla fuqarolar yig‘ini nomi o‘zgartirilganligi munosabati bilan mahalla fuqarolar yig‘ini muhri va tamg‘alarini, mahalla hududidagi nomlavhalar va peshlavhalarni belgilangan tartibda o‘zgartirish topshirilsin.

3. "Kattabayot", "Bayot" va "Qumkashon" mahalla fuqarolar yig‘inlari chegaralarining tavsifi 1-ilovaga, bo‘linish xaritasi 2-ilovaga muvofiq tasdiqlansin.

4. O‘zbekiston Respublikasi Davlat soliq qo‘mitasi huzuridagi Kadastr agentligi tuman bo‘limi (S.Ikromov)ga, Davlat kadastrlari palatasining Buxoro viloyat boshqarmasi Olot tuman filiali (O‘.Mamatov)ga tegishli tuman tashkilotlari bilan birgalikda:

o‘n kunlik muddatda O‘zbekiston Respublikasi Davlat soliq qo‘mitasi huzuridagi Kadastr agentligiga Geografik obyektlarning nomlari davlat reyestriga kiritish uchun tegishli hujjatlar yuborilsin;

“Paxtakor” mahallasining nomini “Kattabayot” nomiga o‘zgartirish hamda “Kattabayot”, “Bayot”, “Qumkashon” mahallalarini chegaralarini o‘zgartirish bilan bog‘liq bo‘lgan barcha tashkiliy masalalar belgilangan tartibda amalga oshirilsin.

5. Tuman Ichki ishlar bo‘limi (J.Tangriyev)ga, tuman Statistika bo‘limi (N.Jumayev)ga nomi o‘zgartirilgan mahalla fuqarolar yig‘inini ro‘yxatga olish haqidagi meyoriy hujjatlarga belgilangan tartibda o‘zgartirishlar kiritish topshirilsin.

6. Ushbu qaror "Olot hayoti" gazetasida e‘lon qilinsin hamda Olot tuman hokimligining rasmiy veb-saytiga joylashtirilsin.

7. Qaror rasmiy e‘lon qilingan kundan e‘tiboran kuchga kiradi.

8. Mazkur qarorning ijrosini nazorat qilish xalq deputatlari tuman Kengashining Sud-huquq masalalari va korrupsiyaga qarshi kurashish masalalari bo‘yicha doimiy komissiyalari hamda tuman hokimining birinchi o‘rinbosari A.Yangiyev zimmasiga yuklatilsin.

Kengash raisi



N.Nematova

Xalq deputatlari Olot tuman
Kengashining
2022 yil 6 iyundagi
VI-60-70-2-31-K/22-son qaroriga
1-ilova

**"Kattabayot" (Paxtakor) mahallasi chegarasining
TAVSIFI**

Olot tumani "Kattabayot" (Paxtakor) mahallasi Murabbiylar ko'chasidan (*shimoliy kenglik koordinatalari-39°27'47.38"C, sharqiy uzunlik koordinatalari-63°52'51.41"B*) Nuroniyalar ko'chasida joylashgan 33-son o'rta ta'lim maktabi yonidagi yo'l kesishmasigacha, Kattabayot ko'chasidan Navoiy ko'chasigacha (*shimoliy kenglik koordinatalari-39°26'15.06"C, sharqiy uzunlik koordinatalari-63°53'21.42"B*).

**"Bayot" mahallasi chegarasining
TAVSIFI**

Olot tumani Bayot mahallasi Yangi usul ko'chasida joylashgan 18-son MTM (*shimoliy kenglik koordinatalari-39°28'35.12"C, sharqiy uzunlik koordinatalari-63°52'21.76"B*). Kamolot ko'chasi kesishmasigacha, Kamolot ko'chasidan Maxsimlar ko'chasigacha (*shimoliy kenglik koordinatalari-39°26'12.95"C, sharqiy uzunlik koordinatalari - 63°52'26.72"B*).

**"Qumkashon" mahallasi chegarasining
TAVSIFI**

Olot tumani Kumkashon mahallasi Navoiy ko'chasida joylashgan 13-son o'rta ta'lim maktabidan (*shimoliy kenglik koordinatalari - 39°25'56.74"C, sharqiy uzunlik koordinatalari - 63°52'37.62"B*) Yangi Davr ko'chasi kesishmasigacha, Qalqon ko'chasidan Kamolot ko'chasigacha (*shimoliy kenglik koordinatalari - 39°28'16.75"C, sharqiy uzunlik koordinatalari - 63°51'25.69"B*).

Xalq deputatlari Olot tuman Kengashining
2022 yil 6 iyundagi
VI-60-70-2-31-K/22-son qaroriga
2-ilova





